



Broj: 04-16-15-611/16

Dana: 09.06.2016 god.

Na osnovu člana 17. stav (1), člana 18. stav (1) Zakona o javnim nabavkama («Službeni glasnik BiH», br. 39/14), i čl 6. stav (2) Pravilnika o postupku direktnog sporazuma Agencije za radijacijsku i nuklearnu sigurnost u Bosni i Hercegovini, direktor Agencije d o n o s i,

O D L U K U

o pokretanju postupka direktnog sporazuma za nabavku usluga za održavanje sigurnosne mrežne infrastrukture u Agenciji za radijacijsku i nuklearnu sigurnost u BiH

Član 1.

Ovom Odlukom se pokreće postupak nabavke usluga za održavanje sigurnosne mrežne infrastrukture za potrebe Agencije.

Član 2.

Zakonski osnov za provođenje nabavka iz člana 1. ove odluke predstavlja član 90. Zakona o javnim nabavkama («Službeni glasnik BiH», br. 39/14).

Nabavka iz člana 1. ove odluke će se izvršiti postupkom direktnog sporazuma i ide na teret tekućih izdataka.

Član 3.

Realizaciju ove Odluke izvršit će Sektor za pravne, kadrovske, opšte i finansijske poslove.

Član 4.

Sredstva za realizaciju ove nabavke osigurana su u Budžetu institucija BiH.

Planirana nabavka je do 5.000,00 KM bez PDV

Član 5.

Ova Odluka stupa na snagu danom donošenja.



Na osnovu člana 70. i člana 90. Zakona o javnim nabavkama Bosne i Hercegovine ("Službeni Glasnik Bosne i Hercegovine" broj 39/14), i preporuke Komisije za provodjenje postupka javne nabavke usluga za održavanje mrežne infrastrukture za potrebe Agencije o izboru najpovoljnijeg ponuđača za nabavku usluga za održavanje mrežne infrastrukture broj 04-16-15-611/16 od 09.06.2016. godine, Direktor Državne regulatorne agencije za radijacijsku i nuklearnu sigurnost donosi:

O D L U K U

O rezultatima okončanog postupka javne nabavke i izboru najpovoljnijeg ponuđača za nabavku usluga za održavanje mrežne infrastrukture

Član 1.

Ovom Odlukom za najpovoljnijeg ponuđača za nabavku usluga za održavanje mrežne infrastrukture odabran je ponuđač **TELENET d.o.o.**

Član 2.

Realizacija ove odluke izvršit će se u skladu sa Zakonom o javnim nabavkama i podzakonskim aktima.

Član 3.

Rok za realizaciju ove odluke je 30 dana od dana potpisivanja.

O B R A Z L O Ž E N J E

U direktnom postupku javne nabavke usluga za održavanje mrežne infrastrukture učestvovala su tri (3) ponuđača, i to:

1. **TELENET** (sa ponudom od 4,680 KM sa PDV-om)
2. **ENIGMA** (sa ponudom od 5,023.98 KM sa PDV-om)
3. **TEAM CONSULTING** (sa ponudom od 4,972,50 KM sa PDV-om)


Nakon otvaranja ponuda, izvršeno je ocjenjivanje prispjelih ponuda, te je Komisija konstatirala da sve ponude zadovoljavaju uslove iz odluke o nabavci usluga za održavanje mrežne infrastrukture, u vrijednosti do 5,000.00KM bez PDV-a, definiranim važećim Zakonom o javnim nabavkama BiH.

Izbor najpovoljnijeg ponuđača izvršen je na osnovu kriterija najniže cijene tehnički zadovoljavajuće ponude.

Protiv ove odluke dopušten je prigovor Agenciji, u pisanoj formi i u roku od pet (5) dana od dana prijema obavještenja o izboru najboljeg ponuđača.

Broj:04-16-15-611-6/16

Datum: 27.06.2016



Državna regulatorna agencija za radijacijsku i nuklearnu sigurnost, ID: 4201357350000 UI. Hamdije Čemerlića br.2, 71000 Sarajevo, koga zastupa direktor, Emir Dizdarević, (u daljem tekstu:Kupac), s jedne strane

i

TeleNet d.o.o., Hamdije Čemerlića 35, 71000 Sarajevo, koga zastupa Mirsad Kukuruzović, direktor (u daljem tekstu Prodavac) zaključili su

UGOVOR ZA NABAVKU USLUGA ODRŽAVANJE SIGURNOSNE MREŽNE INFRASTRUKTURE

PREDMET UGOVORA

Član 1.

Predmet ugovora je nabavka usluga za održavanje sigurnosne mrežne infrastrukture za potrebe Državne regulatorne agencije za radijacijsku i nuklearnu sigurnost, u skladu sa dostavljenom Ponudom 183/16 od 21.06.2016. godine i uslovima iz ponude koju je Kupac, na osnovu Odluke o izboru najpovoljnijeg ponuđača, prihvatio.

Ponuda i uslovi iz ponude su sastavni i neodvojivi dio ovog Ugovora.

VRIJEDNOST UGOVORA

Član 2.

Kupac i Prodavac usluga su saglasni da ovaj Ugovor realiziraju prema već definisanim uslovima u tenderskoj dokumentaciji i odabira najpovoljnijeg ponuđača.

Prodavac isporučuje, a Kupac kupuje uslugu prema opisu, količinama i cijenama u skladu sa potrebama Kupca.

Ukupna ugovorena cijena usluge sa PDV-om ovog ugovora iznosi 4,680.00 KM (slovima: četirihiljadešeststotinaosamdeset i 00/100)

REALIZACIJA UGOVORA I ROK ISPORUKE

Član 3.

Prodavac se obavezuje da će u skladu sa čl. 2 ovog Ugovora izvršiti usluge odmah po potpisivanju ugovora a najkasnije 45 (četrdesetpet) dana od dana stupanja na snagu ovog Ugovora na ugovorenu lokaciju, sa pratećom dokumentacijom potpisanom od strane ovlaštene osobe Kupca kao potvrda da je usluga izvršena. U protivnom, Kupac neće biti obavezan izvršiti plaćanje isporučene usluge.

Prodavac se obavezuje izvršiti uslugu kako je navedeno u ponudi.

Član 4.

Kupac se obavezuje dati reklamaciju u vezi kvaliteta usluge u roku od sedam dana od dana izvršene kompletne usluge, u protivnom se gubi pravo na naknadne reklamacije.

GARANCIJA KVALITETE

Član 5.

Prodavac se obavezuje da će svu instalaciju i konfiguraciju po uslovima utvrđenim u ponudi izvršiti odgovorno i profesionalno u skladu sa zakonskim propisima koji se odnose na ovaj vid usluge te da ispunjavaju sve uslove navedene u ponudi. Prodavac se obavezuje na garantni period u trajanju od 12 (dvanaest) mjeseci od dana isporuke usluge.

FAKTURIRANJE I NAČIN PLAĆANJA

Član 6.

Prodavac će ispostaviti fakturu po završenom kompletnom poslu potvrđenom od strane Kupca, i to najkasnije u roku od 15 dana od dana izvršene usluge.
Plaćanje faktura za isporučenu robu Kupac će vršiti u roku od 15 dana od dana prijema fakture.

VIŠA SILA

Član 7.

Ugovorne strane su saglasne da se u slučaju prekoračenja rokova izvršenja obaveza zbog razloga koji se ugovornim stranama ne mogu staviti na teret (razlozi više sile), rokovi izvršenja Ugovora produžavaju za vrijeme trajanja tih razloga. Ugovorna strana je obavezna da obavijesti drugu ugovornu stranu u roku od sedam dana od nastanka više sile.

ZAVRŠNE ODREDBE

Član 8.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko ne bude moguće sporazumno rješenje nastalih sporova, isti će biti riješeni putem Suda Bosne i Hercegovine.

Član 9.

Prodavac nije ovlašten da zaključuje podugovore sa drugim licima u cilju realizacije ugovorenih obaveza.

Član 10.

Kupac zadržava pravo jednostranog raskida Ugovora u bilo koje vrijeme, o čemu pismeno obavještava Prodavaca.

Član 11.

Za sve odnose i institute koji nisu utvrđeni ovim ugovorom, primjenjivati će se odgovarajuće odredbe Zakona o obligacionim odnosima.

Član 12.

Ovaj ugovor stupa na snagu danom potpisivanja od strane ovlaštenih lica ugovornih strana.

Član 13.

Ovaj ugovor sačinjen je u 4 (četiri) istovjetna primjerka, od kojih po 2 (dva) zadržava svaka od ugovornih strana.




Prodavac

Mirsad Kukuruzović
Mirsad Kukuruzović

Direktor

Broj: 247/16

Datum: 27.07.2016.



Kupac

Emir Dizdarević
Emir Dizdarević
Direktor

Broj: 04-16-15-611-10/16

Datum: